

職方典第一千四百二十八卷

平樂府部藝文一

清華閣記

宋鄒浩

余以清華名閣有美者曰紫微鎖闥公之所翱翔也丹墀玉陛公之所陟降也天光日色公之所瞻承也深謀密議公之所獻納也公年齒方強志氣方盛固以自致其身於清華矣今居是邦能不慙慙於非常之遇乎志不忘君與悻悻以自絕者異矣有見其言而譏之者曰方仁聖在上之時彼乃廢爲編民方英賢並集之時彼乃竄投荒裔方凌烟紀功之時彼乃名掛黨籍方人子榮親之時彼乃反虛祿養彼求歸未獲求便未能因以不慎其身而失清華矣今居是邦尚奚戀戀於感慨之夢乎是殆不知恥與逐逐以徇物者類也有聞其說而折之曰夫子之來蓬門常關者徑常掃日惟焚香燕坐講求經典而已與一切聖賢異體而同心殊方而同處其容湛湛如水無波瀾其目炯炯其鼻間栩栩如天地陰陽交通而成和氣榮辱損益之分固已間之而不得已自我觀之與其有榮於其外孰若無辱於其內與其有益於其僞孰若無損於其真黑條束腰不便於環金之帶乎蒲團疊

足不穩於技械之馬乎厦屋未必如茅屋之可安鼎食未必如疏食之有味則前日之清華人間之
清華也人故得而取之今日之清華物外之清華也物無得而傾之其爲清華孰愈哉或者以其詳
告余應之曰茲閣也樂川瀉於前僊嶺擁於後越山拂於龍嶽魏潭峯巒直上森聳而周圍日月之
晦明雲烟之舒卷朝夕相尋乎空曠寥廓之中而江山氣象變化無窮此邦之人仕者從宦居者職
業雖深好其景而無暇遊樵者執柯漁者布網雖深造其景而不能賞惟余棲其間越一年矣妙萬
物而常新貫四時而獨見怡真宰以自寬惟恐懼修省君親之念而不余秘也昔之隱君子有以泉
石爲清華者余嘗愛其言遂以清華名之耳議者烏知余意自余之名閣而衆竊竊焉議其後況有
大如此者乎此余之所以名也老子曰知我者希則我貴矣信夫

江東書院記

毛基

余所居湫隘每讀書則機紡之聲盈耳絕不靜思得灑然空曠一字爲寄適之地除耳目俗譁以自
放於道德之場以養吾心焉乃度地於江之東江東限以溪山地勢不廣且聚落店肆比比皆是惟
於靈山之側四顧環視喬木修竹光風四泛纖塵不驚冬日之陽夏日之陰幅巾逍遙挾冊其間頗

爲勝概遂決意而築室焉經之營之將周歲而始克就緒堂之前治一小圃畹蔬踐菓花木雜植中鑿一池其圓如月復疏一溝於其右以泄其水委蛇以達於江而注之海東籬之下有叢菊焉西有隙地種竹數枝望之蒼翠而森秀又有梅數本叅立乎前後四時之中物之生意皆無盡藏真讀書樂地也於是合而名之曰江東書院區而別之中曰來薰滌塵襟也西曰拂雲聳清操也東曰待月遣逸興也北曰履齋卽退而省其私之所也客有過余曰前輩有爲雙槐堂有爲桂山堂皆托物以命名也子之堂有奇花異木凡士之有志於功名者莫不藉此以寓意子何不以是名之余謝之曰昭昭者易晦隱隱者必新苟不隆其實而欲慕其名君子恥之若子所喻非余之所敢知也來阜物之薰風堅雲雲之勁節賞月中之僊桂坐對聖賢欣然若有所得浩乎如有所充退而修省其操履仰不愧俯不怍視履考祥天爵旣修人爵從之矣斯堂之名當因人而愈顯物豈能名之哉客曰唯唯旣退余輒記其大略以告來者嘉定十四年辛巳夏五月上澣記

平樂府學記

元常挺

廣右嶺南重鎮概管十六州平樂古昭州後陞爲府其地去大府不數舍禮義之習風化所被前代

科目得人甲於諸郡故家餘俗猶有存者府學去城可二里許居者槩溯之西國初厄於兵火前至元己卯郡監劉懷遠知州孫武德經營創始歲次壬午武德之子夢得再知州事力加修理規模益宏壯然官政有通塞或興或廢其可稱述者蓋無幾至正二十有三年平章榮祿公總制軍旅開署省事其明年以昭郡重地控制梧賀選本省理問官拓跋元善攝郡監兼義兵萬戶勸農防禦事以鎮撫之君以是年六月蒞事前政多廢弛君乃正身率下早晚以思寢食弗遑發號施令與民更始威惠兼施寬猛得宜自郡城達於四境吏民爲之改觀朔望視學見其上漏旁穿震風凌雨日益傾圯喟然嘆曰興崇學校守令責也余敢不夙夜祇懼恪勤厥職鼎建祠廟以奉祀事郡博士趙顯祖文學掾尹龍協力贊成之乃考覈學租之沒於某者得粟一百九十八石某氏儒士之義助者一十錠公與學官各捐己俸共得數千緡選匠具徒購木於昭賀之境至正十二年冬建立大成殿舊殿湫隘不足以奉几筵則擴而充之應門兩廡講堂齋館煥然一新材木之良工匠之巧規矩準繩深廣如法川流山峙前拱後揖聖容穆穆侑坐肅然祭祀以時洋洋如在春夏詩書之教朝夕絃誦之聲使民沐浴於膏澤被服先王之道元善可謂知爲政之本矣恭惟我國家列聖相承漸民以仁摩

民以義孝弟忠信禮義廉恥太平且百年士大夫以名節相尚變故以來仗節忠義者無慮數千人漢唐有愧焉下至閭閻窮巷匹夫匹婦與析圭擔爵之君子同一貞節不爲利回不爲威屈皎然如日星之光耀國家仁厚之澤於此可見天理之在人心有非強暴所可奪者學校有功於世道豈小補哉昔衛文公當春秋時敷教勸學國以富強爲時賢諸侯漢文翁守蜀郡率民子弟教以經術蜀文之盛自文翁始元善監是郡不期年而政化大行吏畏其威民懷其德庠序之興明倫育俊化民成俗有古君子風學既落成來謂曰願有以記之吾聞古者大事書之於策小事書之於簡作而不記後嗣何觀建學大事也不可以不書郡監元善先世西夏拓跋氏龍川公姪前世顯官由京秩出監象州再陞省理問官正直廉敏才略過人爲當時名公卿子春舊居省幕府相知爲甚詳以其言信而有徵謹具其顛末而刻諸石是役也湖廣省宣使權平樂縣令余永府判梁倉赤何功應提控按牘譚紹祖主簿勾龍緣保監工千戶于德元府吏范宗傑直學陳元亨知事何計孫皆與有勞焉是爲記

府江三城記

明蔣冕

湘水出興安海陽山分流而東經桂江抵朔江會荔水又合東南灘樂二水而爲府江而桂則廣西三司之治所在焉自桂而通於梧未有不經府江者其江之流洄湫湍兩岸之山皆壁立如削而林菁幽阻爲猺獞所居據險伺隙以爲剽掠官舟商船往來爲所患苦蓋非一日其間最爲要害之地曰廣運曰足灘曰昭平上下百數十里自昔立爲三堡戍以兩廣之兵合千餘人然守無城垣堡無棟宇名雖曰營而披茅編竹上漏旁穿坐臥無所一遇夫炎風寒雨軍士棲息幸存之不免夫且旦夕惴惴焉恐寇盜突出之不暇其孰能揚鼓勇當賊鋒哉先是兵備副使餘干張君吉議城三江上其事於前總督右都御史華容劉公方始事於廣運僅完外城而張君擢憲使去未幾莆田鄭君岳以按察副使繼爲兵備會前功未究思續而成之正德二年丁卯今南京戶部尙書應城陳公適以左都御史來總督軍務鄭君具以其事白之公慨然報可尋有柳慶之師公由梧至昭溯府江而上歷前所云要害處指授方略令急爲之君乃以是年冬城足灘廣袤百餘丈高二尋爲二門爲樓五爲屋於城中者五十楹以處將吏士兵明年戊辰冬城廣運繼城昭平廣運則因其舊而加甃砌焉爲門一爲樓二爲鋪四爲屋如足灘之數昭平西岸有廢城一區成化中總督桂陽朱公所築後陷

於寇蔡莽叢生狐兔所嗥豺狼所宅將營新城父老進而言曰城之規制請廣之便兵與民並處乃度東岸亢爽之處移廢城舊甃以助費爲城一百八十餘丈又爲門三爲樓八爲屋七十楹移驛舍巡司於城內虛其地三之二以爲民居而於三城之外環以壕塹其深與廣十餘尺豎旗標於方隅嚴鉦鼓於旦暮凡攻守之具無一而不給焉總其費磚以萬計者一百七十有奇瓦半之木與石磚網十之九用銀以兩計二千五百有奇然皆出於公帑未嘗濫徵一錢其力則取於輪戍之兵及所居之民規畫考校極其纖悉費無欺蔽夫無浮冗既落成形勢壯偉規制完整屹爲一方雄鎮鄭君以書來囑余記其事竊嘗慨天府江之寇巢穴阻深出沒無時臨以大兵則禽奔獸逸殄滅未盡遺種復熾視常時防禦不能一日去兵而所以爲守之具者尤不可以無備顧茲三堡因陋就簡於數百年之間一旦舉而城之其斯地永久之利未可以一二計也使非陳公好謀能斷長顧却慮知人善任不爲疑阻鄭君雖負籌邊長算安能展布四體略無顧忌共成保障之功哉陳公名金字汝礪鄭君字汝華鄭君擢憲使以去余同年友平樂知府安仁官侯旭屢書來速記且亟稱二公之功不可以無述次其始末以告之後人

點翠亭記

唐復

郡城西有石一拳翠崒離樂二水中如龍戲珠狀舊名曰西山俗以其形如印又稱爲印山凌霄拔秀滌碧澄清誠一郡之佳也惜乎居者視爲巉頑而不識過者目爲荒丘而不睨其致趣之美湮鬱岑寂非一寒暑矣余以其蒼翠一點正在昭潭驛前因名曰昭山點翠一日移舫巖山下欲登覽焉四壁如削遂拂衣踞坐寒石令人猿攀而上見頂平如掌縱橫各八九尺有奇竊嘉焉於是因山爲基因石爲蹬與文武賓士策杖而陟其巔睇樓堞之雄駿瞻峰巒之遙峙瞰帆檣之颺颺數鱗翼之泳飛雲烟杳靄林壑蔽虧爽豁高明一瞬無際萬狀千態獻秀舒奇此浩瀚無窮之氣象昔之韜珍祕光一寓目而盡得於今日也遂題入八景構亭於上曰點翠亭焉旣成文武賓僚持餽挈觥籌畢集亭下更酬互勸人各得以適其趣而樂其樂而不知余之所以自樂何如也昔司馬文正公作獨樂歐陽文忠公醉翁亭詞采風致膾炙人口以余視之蓋自樂而自醉耳今復作斯亭於昭山之上來者嬉去者遊或壺歌觴咏於風晨月夕或管弄絃喧於嵐晴靄淡無遠近彼此之間時乎晨良景美咸得以成趣而賞樂奚啻登蓬島而追廣寒也噫前日荒涼岑寂之區一旦變而爲勝槩絕倫

之景娛心耀目與衆共之非余所得而私也於焉盡歡而飲飲畢而醉踉蹌而歸書以識之正統七年壬戌夏六月吉日立

登瀛橋記

馮時可

秀峯之東南環帶一江濬源於鳥源石鼓黃沙三嶺激島湍瀨逶迤下注瀦爲巨浸當楚粵襟喉三湘八桂門戶夏潦秋霖百谷揚波浮丘沉陸涸則兩涯嶙峋鶴汀錯出不可以舟行李遑遑而阻有宋先大夫履齊公嘗疏泐書院於江東廠馬帳授生徒橋古刹之畔曰合江自是有址可仍代亦迭構大都借材於木嘗試乎馮夷亨利無何陽侯乘之時維萬曆癸巳春茂才公文仲隱士公行惠文寶文壽等共策永久之計各捐緡錢若干一唱百和通毛氏之族家輸貲人子來所在慕義者競捐刀布有差石工雲集度地分墩鑿空蛟室奠石於其中每高三丈許廣袤縱橫遞殺以級架以木布以板結屋十五楹以覆之中聳一樓南面像祀文昌司祿君東西阜對豎兩坊題曰登瀛橋功未落成適余濫登甲午鄉舉計偕上春官過此宗老具祖帳贈以言有登瀛客履新之句明年成進士還宗老又帥子弟觴余於橋樓上酒三行問憶昔贈言否余踟躕謝又左右顧曰登瀛客若爾余又頻

頽然辭俗吏瀛州無籍是在諸伯仲矣宗老曰何必班房張杜乃遊禁林苟致身青雲亦復如是二
三子他日出而觀國先考槃人當復作夙習瀛洲詞廣前韻以贈子試修瀛海筏衆皆避席唯唯洗
觥浮白爲壽遂題其額橋成而水有受年來日割月齧河身轉浚橋足轉孤識者又慮之隱士公行
慤鳴陞等若而人號於衆曰河伯將不利我橋勿恤一簣以遺九仞憂乃於下流湍急處伐石作坊
自東徂西橫數百步高七八尺東隅有坦川出會大河邇以坊障逆行爲東岸患與梁雖利陸地又
坎坎矣則又修彼石梁石砌斯干以宏周道河伯始無地醺而橋益壯由癸巳迄戊戌橋事竣坊功
成則經始於丁未落成於戊申先後費金千有餘兩大約橋六而坊四捐自毛氏者十九外資者十
一諸父老以余爲里人習若事命余記石余聊紀其歲月又維杠梁王政首務自昔梁孟津梁黑水
當時利後世賴津津人口然不無煩令甲發帑動衆此之易險爲夷騎無輪載人不褰裳功豈在張
杜下而以二三編氓義唱仁成曾不邀寵於公府或者默順於君子之政遵道遵路樂樂利利因有
不煩其上者與顧名思義又有以鼓里人士而爲明天子舟楫也者萬世而後無諉倡義之力可乎

蓋嘗讀易大傳而嘆治理之難竟也乾坤始交屯蒙需治訟而師之比而畜之至履而泰矣乃猶有
否存焉然則君子之裁成輔相以左右吾民者又安有已時耶昭州僻西南彝不隸禹貢從古聖人
所爲開闢洪濛驅除民害物土之宜倫常之教漸被未及自秦始通中國歷漢唐宋羈縻屬之治具
固已疎矣國朝德教洋溢經畫周詳遐邇一體二百餘禩以來文明宣朗瘴霧開霽此亦泰運亨嘉
之會已然豈遂無否塞其間大爲民害而待今日之驅除者乎粵西三大江府江居其一會灘樂恭
荔諸水建瓴而下萬山夾峙而驚濤怒波之中嶙峋怪石林立疊翔且隱且現積爲航艦之仇攫之
無不糜潰上下相視似亦可開今天子戊申大中丞龍溪蔡公泝江來撫茲土親覲從舟之糜潰於
所謂馬鞍石者喟然而嘆思紹禹功以屬平樂陳郡守郡守慨然任之而異議紛起曰關鍵遊波包
鑿孕秀地脉不可創也曰是有神據焉昔嘗鑿之而流血且爲祟不可犯也曰石作水勢水匿石形
孰入深淵施五丁力也曰功大費鉅成功不可必安所辭咎也陳守笑而不應募得土舍黃仲拙足
智有幹材數效急公之義所制三角船千舫飛撞五爪龍蜈蚣鏟諸器匠心獨創口畫刊拔狀甚悉
中丞公善之前後制臺長泰戴公吉州張公侍御晉安呂公議協許助費饒羨於是肇舉開江之役

屬朱貳守董焉顧必洩寒水落方可鳩工礪石維舟架木懸挺鵠立瀾濕中前牽後掣呼聲動天橫
空下擊角舟所峙無湍不分飛撞所摧無堅不破龍爪所擊無根不拔蜈蚣所鏟無峭不平義守既
暴露江湄解衣投醪而黃仲拙率其五子及所募來常峒諸兵盡忘其寒栗顛頓與激瀾砥柱爭數
年之命而竟勝之戊己之際藤轡雷霹檢窖龍口平己庚之際馬灘上仰下仰平庚辛之際永灘浪
灘長灘廖澹小背金雞猪豔洲六木鬧灘平凡歷冬春者三而工告竣雖林立鳧翔勢不可盡去而
船艫無糜潰之患矣雖陽朔蒼梧之境難久越阻而險在樂者盡平矣自今以往沿遡邪許出沒齊
泊踏水之道靡復抵觸而剖判以春生民民之禍當今世而消弭者伊誰之力大行王屋之山方七
百里高萬仞舉而移之朔東雍南若挈壺醢醬瓿匹夫精誠上能動上帝而驅操蛇之神況一時諸
臺疇瘼民瘼率作庶寮天人助順且舉百粵而厝之衽席何有於一江哉曩時諸蠻匪茹蜂屯鶻起
攻剽無忌宵馳赤白囊於是有大征之役鯨鯢既封餘魂假息於是有屯戍之役夾岸層巒戢戢翳
莽叢棘鬱爲封豕長蛇窟竄於是有刊木除道之役深潭峭壁斷岸頽崖四無蹊徑不可踰足於是
有開峽梁津之役嗚呼爰有府江民害非一賴先凡當事鉅公次第蒐獮捍災禔福並載郡志顧害

在蠻寇榛莽阻深雖芟修築於今猶虞其後不無芽孽圯壞孰與此九淵魁壘碎而投諸渤海之
尾永貽萬世安者哉是役也費帑金五百八十餘郡守首措百金貳守以下捐助有差者不與焉不
佞汝進及前任廉訪使漳浦郭公始終襄事余惟客冬泝處之十八灘而余舟觸石幾潰而他舟之
潰於石者不一而足竊歎以爲中而不復峭者石死而不復生者民假令神禹嘗陟方焉寧留患於
今日哉旣入府江而灘工正舉不覺躍然是以樂爲勸相功成而記之使往者來者知昔之險若彼
今之坦若此豈可以世世而忘四公之明德哉銘曰與民同患時惟聖人天地參贊草昧經綸昭介
炎徼山川阻深聲教弗暨誰拯亨屯於皇昭代不鄙其民芟荒平險視古爲勤天洗瘴癘運啟文明
衣冠城郭皁皁殷殷崇岡干霄滌焉如焚大江中流舳艫駢臻寇盜旣止探丸不聞雖被積石礪礪
磷岫離立駢峙蛇伏螭蹲素流多梗雲洩雷奔燄燄觸之倏忽隱淪一前百却咫尺千尋白勃相持
篙師振魂中丞桓桓秉越南巡馬鞍之阻意急摧冰三臺合策禹功是繩爰命刊鑿惠我黎蒸誰其
尸之惟守與丞庀工牽屬投饋董程嚴辰肅月水揚石礪操作而前以與險爭雷撲流響山谷震驚
虎牙桀立截然豆分草木三長厥工告成寒波練委晴川掌平岨矣有行元圭錫今振古畏途整費

永寧誰謂粵險一葦可行沿遡擁櫂婆娑謳吟萬世允賴四公之仁爰作俚詞以勒貞珉

建鍾山鎮石城記

徐淮新

平樂古昭州今爲廣右要郡屬邑富川有鎮曰鍾山距郡城東南幾百里當富賀湖湘諸郡邑之衝居民頗繁然山嶽峒獞地殊密邇歲時毒矢長戟剽掠之害相尋近歲徙邊蓬巡司於其地輪士卒以相兼守顧衆寡勢懸寇至亦無以抗以故民多擇巔崖險穴以苟棲止弗克奠厥居正德丁卯前兵憲丁公始議築土爲垣以衛民關二門以通出入吾民賴焉但土性易頽歲久傾圯正德乙亥今兵憲鉛山張公合溪膺簡命來蒞於昭公素負經濟而尤殫盡心力所以體國經野攘寇輯民之務皆次第舉行丁丑春大征荔浦諸叛夷獻馘後究心於斯民久遠之略鎮民適有以建城事告公者公卽慨然以身任之肩輿簡從親至於鎮遍觀於舊址營計徒庸會工費積餼糧疏畫一之規以達於巡撫獲允請始從事遴選屬之文武吏得正千戶王勳周鎬吏目黃寬而命之曰惟是役事無巨細汝其綜理之罔忽進鎮民鍾秉釜盧旻珊周世昌鍾秉玘而諭之曰惟汝爲民之良於是役必倡率奔走分理於下罔弗勤焉於是衆惟命從智獻謀巧獻力梓人圻人石工磚工畢伎罔憚子來之

民雲集罔後公復親爲指授者月餘廣袤綿亙凡一百九十丈高一丈二尺闊如之外砌磚內填以巨石設三門門各爲樓以爲捍禦鑿四圍壕溝以備敵衝修公廨立軍堡俱整飭可觀共銀五百餘兩皆出公經畫不費於官不勞於民始事於戊寅冬十月落成於己卯四月堅完壯麗見者改觀鎮之民皆歡呼鼓舞舉手加額曰我民得有今日皆公之賜也其何可忘庠生周眞生其地目觀其盛乃需余文勒之貞珉用昭永久余惟設險守國聖王之所不廢故重門擊柝以禦暴客見諸周易而城郕城鄆城平陽諸役屢書於春秋皆所以爲民攘寇圖危於安意也宋之時种世衡城青澗范文正城大順民卒賴之今天下自大郡諸藩以及郡邑衛所皆有城郭金湯之固在在巍峩惟鄉鎮或寡然逼於強橫坐視塗炭亦仁人所不忍也以公茲役求之古人雖功力有大小時勢有緩急而一念衛民之心固無不同焉者至其規畫周詳區處有道民不勞而事就緒財不費而功落成且親爲經略不憚勞瘁則又加於古人一等矣夫觀河洛而思禹功詠甘棠而思召伯鎮之民食公之賜其可忘耶豈唯於民雖身而子子而孫當永永無斁也抑余聞公曩爲柱史立朝巡貴陽皆綽著聲稱其在廣右豐功偉績尤不可殫述今進爲吾臬總憲將來陟卿丞宰輔以弼天子維新之化勳業殆

未艾此特其鼎中一鬻耳余不佞因其請故直言以書之俾來者有所考云

平寇頌碑記

沈宏

惟嘉靖二十有七年春兩廣文武帥臣總督中丞張公岳號淨峯福建惠安縣人正德丁丑進士陞兵部左侍郎鎮守總兵陳公圭號竹泉直隸合肥人簡平江伯加太保奉天子明命迺會代巡廣西監察御史蕭公世延號友山四川內江縣人嘉靖戊戌進士爰飭憲選將練兵以平賀縣之寇惟時憲臣監督者俞公則全號三泉浙江新昌縣人嘉靖乙未進士任按察司僉事將臣統督者沈公希儀號紫江奉議衛官籍直隸臨淮縣人任署都督僉事鎮守廣西地方副總兵率漢土將卒若干萬指布勦平是役也自勦旅而入暨獻馘而出日惟爲旬有六合斬擒俘獲實惟三千渠魁悉就殲滅可謂神速矣先是賀寇稱堅敵出沒荆廣三省患焉及我師入尙鴟張抗拒而旬月之間遂能掃蕩平定俾桂嶺之域幅幘數百里皆復版圖境外犬鼠咸姓豕喙息竄伏不遑而環賀數郡邑之民俱獲更生厥功其偉矣哉當是時士者相與慶於學農者相與慶於野行道相與慶於途商者工者相與慶於市若肆而俘擄之釋還者相與慶於室迨農祥辰正天降時雨沛然盈疇二公乃亟下令曰